

Transkription von Urkunde ZET 1493c

Ort, Datierung: Zerbst, 1493-02-16

Signatur: Stadtarchiv Zerbst, IA, 296

Inhalt: Rat der Stadt Zerbst: Kaufvertrag

Tho weten Dat vp hüde Sonnaüende nach valentini Nach Cristi vnszers hernn gebort /
Vierteynhundert dar nach Jm(me) dryvndenegentigisten Jar Wy Borgermeister vnnde / Radtmanne
der Stadt Zcerwist vnsze mollen vor dem ankünschen dore gelegen die wy / wanres von den
v(or)münden Grochwitzes nagelaten kynd(e)rn gekofft Dem(e) vorsichtigen / Clauszen seger synen
erüen vnnd(e) erffneme(re)n vnszerm medeborg(e)r Mith aller vnnd Jeh=/liker tobehorung(e) Ok wes
erdt vnnd(e) nagelfeste is , sichtkisten mathkisten mathschepel / vnnd(e) mathe vnnd(e) sund(er)liken
dar to den garden dar jegen gelegen die des Radts / eygen v(or)mals gewest is , alsozo dath die von der
mollen nicht gesundt noch v(or)kofft szal / werden , Recht vnnd redeliken vor vierhund(er)t vnnd(e)
achtentich rynsche gulden vor/kofft hebben vnnd(e) alsozo die mollen vp solke pechte alsze wy dem(e)
Junchfruwen(n) / clostre vnsz(e)r lieuen fruwen(n) alhir Jerliken dar von gegeuen Nemeliken
achtehaluen / wispel roggen(n) vnd ford(e)r vp swyne mesten eyne gnante tall , vnd tydt , Wü die an /
vns gebracht vnnd von vns geschyenn is , Vp der Souensleper dage to betyhende / vnnd wy ohn die to
rümende vnnd der vierhund(er)t vnnd achtentich rynsche gulden / obinberurt Szollen Jn der betalung
alsozo geschyen Dath itztgedachte Claus sege(r) an / hundert rynsche guld(en) houetstüls alsze Dath
w(er)dige Capittel der kerken sancti nicolai / vp dem(e) nyemargkte to magdeborch an der gedachten
mollen hebben to betalende add(e)r / Sesz rynsche guld(en) tynsze dar von vp nati(vitatis) (cristi) to
geüende schall geweszen syn / fford(e)r an hünd(er)t vnnd(e) viertich rynsche guld(en) alsze
itztgna(n)te kerken vicarien dar von(n) / Souen rynsche guld(en) tou(or)tynszen , an vith mollers
mollen Buten ankün gelegen , / v(or)schreüen hebben , vnnd(e) dorch vit moll(e)r vp gnante vnsze
mollen gebracht , gnant(e)n / herrn vicarien von Symo(n)is vnnd(e) Jude Jm(me) twey
vndenegentigist(en) Jar(e) an , Bynnen / dren Jaren to betalend vnnd(e) vit moll(e)r der von syn(er)
mollen to benemende Ok an hünd(er)t / old(en) sc(hilling) ¹ alsze andrew(es) walsto(r)p vp
mergna(n)te mollen het dar von men sesz sc(hilling) ¹ Jerlike tynsze / giff vp walburg(en) vnd an
veffteyn rynsche guld(en) alsze dat w(er)dige cappittel to sonte bartolo(mese) / alhir dar an heth mith
ij sc(hilling) Jerliken vp walburg(en) tou(or)tynszen , Dar to hy vns reyde / aüer hund(er)t r(ynsche)
guld(en) gegeuen vnnd v(or)gnuget Dath alsozo Jn der Sum(m)en vierhund(er)t vnd(e)
viffe/vndedrittich guld(en) betalet , vnd wanner hy dan nhü vp der Souensleperdage nehistkomende /
Die mollen betyhet , wes an den vier hünd(er)t vnnd achtentich gulden houetgeld(es) hind(er)stellich
/ nemeliken viffvndeachtentich r(ynsche) guld(en) blyuet Schal von gna(n)t(e)n Claüsze sege(r) vnd(e)
/ synen erüen vns ane v(or)toch v(or)gnuget vnd(e) gegeuen werden , Ok wes an den obgna(n)t(e)n /
Sum(m)en vp der mollen v(or)schreuen Weynig(e)r b[e]funden worde , Sal dat aüerleýe Na an=/tall
der sum(m)en dar vor wy ohm die mollen v(or)kofft vns tofallen vnd(e) nicht schedeliken syn / Ok sall
vnnd(e) Szal vnnd will mergnante Claus seger add(e)r syne eruen keyne nyeringe add(e)r vpsate an
matten add(e)r mathe noch an mollen gelde hinder(n) / wethen vnd fulbort vnszers add(e)r vnsz(e)r
nachkomen v(or)nemen noch gebrüken add(e)r to tyhen / vnnd weret sake Dat Claus seg(e)r add(e)r
syne erüen Die gnante mollen mith deme / garden alsze die dar von nicht gesandt noch getagen
w(er)d(en) solle wedd(er) v(or)kopen word(en) Szo / sollen vnd willen sy mergna(n)te ore mollen vnd

gard(en) wu sy die von vns mith der tobehoru(n)g / entphang(e)n , vns add(er) vnsz(e)rn nachkomen
ane eyns yd(er)man weygerung vnd(e) behelp / aff wy add(er) vnsze nachkom(m)en die wedd(er) an
vns begerend vnd hebben wolden , tho / kope angheüen vnnd(e) bieten vnd offte denne die mollen
mith dem gard(en) v(or)gna(n)t von vns add(e)r vnsz(e)rn Nakom(m)en von ohn nicht angenhomen
add(er) gekofft worde alszdan vnd(e) / nicht ehr mach Claus seger add(e)r syne erüen die eynen
and(e)rn weme sy wille(n) / wol v(or)kopen vnnd v(or)laten , Dat alle stugke punkte vnd artikel
obinbemeldet keyns / vthgeslaten vndruglich ane aller Jsage vnd geüerde sollen gehold(en) w(er)den
hebben / wy Jn Byweszen Der Erszamen hanszen kleynsmede vnnd(e) Jorgen lyszen von weg(e)n /
Claus segers die hy nefen sick gebeden diesszen recessz getwiffacht vnnd mith vnsz(e)rn / anhangende
Secrete v(or)sigilt vnd eynen Clausze seg(e)r gegeuen vnnd den and(e)rn / vor vns vnd vnsz(e)rn
nachkom(m)en behold(en) Gegeuen vnd geschreüen am(me) Jar / vnnd(e) dage obenbestympt

¹ andere Lesart: sc(oten)